



Inatsisartunut ilaasortaq Jørgen Rosbach, Demokraatit
inatsisartut@inatsisartut.gl

**ATV-nik angalasarneq aamma ingerlatsinermut allagartat pillugit § 37- 2025 - 117
naapertorlugu apeqquaqqaammut akissut**

Dato: 30-07-2025
Sagsnr.: 2025 - 15579
ID. nr.: 98751732

Asasara Jørgen Rosbach

Inatsisartut suleriaasianni § 37 naapertorlugu ATV-nik angalasarneq aamma ingerlatsinermut allagartat pillugit Naalakkersuisunut apeqquaqqaateqarputit. Apeqquqtitit uannit akineqartussatut innersuunneqarput. Apeqquqtitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqquq 1: Nunaqarfinni aqqusinerni asfatilersorneqanngitsuni ingerlatsinermut allagartaqarani ATV-nik ingerlatsisinnaanissamut, angallannermut inatsimmi periarfissiinissamut danskit oqartussaannut oqaloqatiginninnerit sumut killippat? Akissut sukumiisumik tunngavilersoqquneqarpoq.

Akissut: Assartuussinermut Ministereqarfik 11. juuni 2025-mi angallannermut inatsisip iluarsaanneqarnerani Attaveqarnermut Ataatsimiititaliami ataatsimiinnermini ilisimatitsissuteqarpoq, uku pillugit najoqqutassianik suliaqartoqartoq:

- Illoqarfiit arfinillit, ATV-nik, 30 km/t-t sinnerlugit sukkassuseqarlutik ingerlasinnaasunik ingerlatsinermut allagartaqarnissamik piumasaqaateqarfiusut allattorsimaffiat.
- Illoqarfiit arfinillit taakku avataani ingerlatsinermut, imaluunniit ATV-nik, annerpaamik 30 km/t-nik sukkassuseqarlutik ingerlasinnaasunik ingerlatsinermut allagartaqarnissamik piumasaqaateqartoqartussaanneginnera.


Allannguinnermi Kalaallit Nunaannut Angallannermut Inatsit allanngortinneqartariaqarpoq. Assartuussinermut Ministereqarfik allannguutissatut inatsimmut missingiummik suliaqareerpat, missingiut tusarniaassutigineqarluni nassiunneqassaaq. Tamatuma kingorna Folketingimit akuerineqarsinnaalinnginnermini Inatsisartunut oqaaseqarfigisassanngorlugu saqqummiunneqassaaq. Allannguutissatut inatsimmut missingiutit 2026-mi Inatsisartut upernaakkut ataatsimiinneranni saqqummiunneqarnissaa sulissutigineqarpoq.

Apeqput 2: Naalakkersuisut oqaluuserisamut soqutiginaatilinnik allanik paasissutissiisinnaanerlutik?

Apeqput: Allanik oqaaseqaatissaqartoqanngilaq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede